

# বসন্তের আবাহন .

( ১ )

সুন্দর তুমি নব বসন্ত,  
এসো এসো মোর প্রাণে ;  
এসো এসো তুমি অতিথি নবীন,  
প্রভাত-পাখীর গানে ।

জুঁই বেলীর ঐ গন্ধে ছাওয়া,  
মিষ্টি মধুর এমন হাওয়া,  
তোমার হিয়ার গোপন কথা,  
কয় ঘেন মোর কানে ।

( ২ )

প্রথম সোনার আলোক রাশি,  
পড়ল ছেঁয়ে বনে,  
ফুলগুলি সব উঠল হেসে,  
কী সে ভেবে মনে ।

তাদের হাসি আমার প্রাণে  
পুলক তোলে ছন্দে গানে,  
সেই গানেরই মাঝে এস  
হৃদয়-আসনে ।

( ৩ )

আবাহনের গানে গানে  
 বিশ্ব গেছে পূরে,  
 তাই বুঝি গো কোকিলবালা,  
 ডাক দিয়েছে সুরে ।

নদীর কূলে জলের ধারা  
 তোমায় ডেকে ডেকে সারা,  
 হিয়ায় বুঝি আস্ছে তুমি,  
 নয়ক বহু দূরে ।

শ্রীতারাপদ চক্রবর্তী

প্রথম বর্ষ, বিজ্ঞান বিভাগ।

## বিশ্বনিয়ন্তা

আমারে 'আর আমার মাঝে, রেখ নাকো ধরে' ,  
 ওগো বিশ্ব-নিয়ন্তা,  
 সকল কাজে আমায় তুমি জানাও দয়া করে'  
 তোমার বিপুল ক্ষমতা ॥  
 আমি, আমার ব'লে যে কাজ করি,  
 অঁধার মাঝে ঘুরে মরি ;  
 তুমি, আপন গুণে ক্ষমা করি',  
 ছালাও বর্তিকা ।  
 সেই আলোতে পালাক দূরে গর্ব, দীনতা ॥